

### Headlines

- 1 राष्ट्रपति द्रौपदी मुर्मू होंरें आखेआ जे बक्ख-बक्ख अखिल भारती सेवाएं च भारती पुलस सेवा दा अपना गै इक महत्व ऐ।
- 2 कठुआ ते राजौरी जिले च छप्पे दे आतंकवादिगं गी तुप्पी कडुने लेई सुरक्षाबलें जारी अपने तुपाई अभियान दा दायरा होर बदाई दिता ऐ।
- 3 कल विधानसभा चुनां दे त्रीये ते अखीरले गेढ तैहत वोट पोआए जाडन। भारतीय चुनां आयोग नै वेबकास्टिंग दी सुविधा कन्नै लैस 5 ज्हार 60 मतदान खडेरे न।
- 4 मन्ने-परमन्ने दे फिल्म अभिनेता मिथुन चक्रवती होंरें गी दादा साहेब फाल्के पुरस्कार कन्नै सम्मानित कीता जाग।

<><><><><><>

### President-IPS Batch

2023 बैच दे भारतीय पुलस सेवा यानि आई.पी.एस प्रोवेशनरें दा इक दल अज्ज राष्ट्रपति भवन च राष्ट्रपति द्रौपदी मुर्मू होंरें गी मिलेया। आई.पी.एस प्रोवेशनरें गी संबोधित करदे होई राष्ट्रपति होंरें आखेआ जे बक्ख-बक्ख अखिल भारती सेवाएं च भारती पुलस सेवा दा अपना गै इक महत्व ऐ। राष्ट्रपति द्रौपदी मुर्मू होंरें आखेआ जे कनून बवस्था शडी शासन दा आधार नेई सगुआं आधुनिक राष्ट्र दी बी बुनियाद ऐ। राष्ट्रपति मुर्मू होंरें आखेआ जे भारत दा लक्ष्य औने आले किश बरें च नमिगं उंचाइगं गी छूना ऐ, इस करिए आई.पी.एस अधिकारिगं दी भूमिका होर बी मती महत्वपूर्ण होई जंदी ऐ। उनें आखेआ जे कनून बवस्था बनाई रखने, न्याय सुनिश्चित करने ते नागरिकें दे अधिकारें दी रक्षा दे विजन प्रगति बेमतलब ऐ।

<><><><><><>

### Search-Operation

कठुआ ते राजौरी जिले च छप्पे दे आतंकवादिगं गी तुप्पी कडुने लेई सुरक्षाबलें जारी अपने तुपाई अभियान दा दायरा होर बदाई दिता ऐ। आधिकारिक जानकारी मुजब जियां जे पैहले बी खबर दिती जाई चुकी दी ऐ ते शनिवारें शामी कठुआ जिले दी बिबर तहसील च कोग माडली आले दूर-दरेडे जांगली इलाकें च छिडे दे टाकरे च इक्क आतंकवादी मारेआ गेआ हा ते कार्रवाई दौरान इक पुलस कर्मी शहीद ते दऊं जख्मीं बी होई गे हे। तोआई ऐतवारें शामी लै राजौरी जिले दे थन्नामंडी इलाके च मनिवाल गली थाहर बी आतंकवादिगं ते सुरक्षाबलें बश्कार गोलीबारी होई ही जेदे मगरा आतंकवादी घनें जंगलें च नस्सी गे हे। अजें कि इनें दौनें थाहरें आतंकवादिगं कोई ताज झडप्फ जां आमना-सामना नेई होआ ऐ-पर इलाके गी खंगालेआ जा'रदा ऐ।

तोआई शहीद पुलस कर्मी हेड कांस्टेबल बशीर अहमद गी अज्ज पूरे सम्मान कन्नै सुपुर्देखाक करी दित्ता गेआ। डीजी आपरेशन्स ते सिक्योरिटी नलिन प्रभात, ए.डी.जी.पी जम्मू जोन ते शहीद दे परिवार आले इस मौके मजूद हे।

<><><><><><>

### DGP-JK

पुलस महानिदेशक आर.आर स्वैन होरें अपनी पुलस सेवा खीरी रोज अज्ज श्रीनगर दे लाल चौक स्थित प्रताप पार्क च शहीदें दी यादगार बलिदान स्तम्भ पर जाइए श्रद्धांजलि भेंट कीती। इस मौके उनें आखेआ जे 30 बरें दी अपनी सेवा दौरान उंदी तरजीह इये लेई जम्मू-कश्मीर दे लोकें गी बेखौफ ते अजाद माहौल च जीन जीने गितै हर जत्र कीता जा। ते उंदा मनना ऐ जे उनें इत्त भेठा कुसै बी मौके गी जाया नेई जान दित्ता ते उनेंगी खुशी ऐ जे उनेंगी जम्मू-कश्मीर च लोकें दी सेवा करने दा मौका थ्हाआ। उनें आखेआ जे बलिदान स्तम्भ कुसै बी पुलस अफसर लेई कुसै पूजा स्थल कोला घट्टु नेई कीजे एहू उनें ज्हारें शहीदें गी समर्पित ऐ जिनेंगी अपनी जिंदू दा बलिदान देई दित्ता। डीजीपी होरें मीडिया कर्मिणं कन्नै गल्ल करदे होई आखेआ जे उनें सदा कोष्ट कीती ऐ जे जम्मू-कश्मीर च लोकें दे चेहरे पर डर-त्राह नेई खुशी ते संदोख होए। डीजीपी स्वैन अज्ज रटैर होई गेन ते हून जम्मू-कश्मीर दे नमें डीजीपी नलिन प्रभात होडन।

<><><><><><>

### Panchayat-Workshop

केंद्री पंचैती राज राज्यमंत्री प्रो. एस.पी सिंह बघेल होरें अज्ज नमीं दिल्ली च सबकी योजना सबका विकास दे नां कन्नै मशहूर जन योजना अभियानें बारै इक राष्ट्रीय कार्यशाला दा उद्घाटन कीता। कार्यशाला दा उद्देश्य अफसरें, चुने गेदे पंचैत प्रतिनिधिणं ते होरनें हितधारकें गी आला दर्जे आहली ते असरदार पंचैत विकास योजनाएं दी तैयारी लेई जरूरी हुनर, सलाहियत ते रणनीतिणं कन्नै लैस करना ऐ। इस मौके पर प्रो. सिंह होरें 2025-26 आले माली बरे लेई पंचैत विकास योजनाएं दी तैयारी लेई लोक योजना अभियान 2024-25 बारै इक कताब दा विमोचन कीता ते राष्ट्रीय ग्राम स्वराज अभियान दी सलाना कार्य योजना 2024-25 दी रिपोर्ट बी जारी कीती।

<><><><><><>

### TRAI-Radio

भारती दूर संचार विनियामक प्राधिकरण ट्राई नै अज्ज प्राइवेट रेडियो प्रसारकें लेई डिजिटल रेडियो प्रसारण नीति कार्यान्वयन पर इक परामर्श पत्र जारी कीता ऐ। ट्राई नै प्राइवेट रेडियो प्रसारकें लेई डिजिटल रेडियो प्रसारण नीति दे कार्यान्वयन सरबंधी बक्ख-बक्ख मुद्दें पर हितधारकें दी टिप्पनी दी प्रक्रिया दी शुरूआत कीती। हितधारक 28 अक्तूबर तगर परामर्श पत्र पर अपने विचार टिप्पनी भेजी सकदे न। प्रति टिप्पणियां 11 नवंबर तगर जमा करोआइयां जाई सकदियां न।

<><><><><><>

### SBA-Kishtwar

स्वच्छ भारत अभियान तैहत किशतवाड़ च आयोजित इक रैली च 200 कोला मते स्कूली बच्चे प्रिंसिपलें ते अध्यापकें हिस्सा लैता। गांधी जयंती दे सिलसिले च आयोजित इस रैली बारै स्हाड़े जिला संवाददाता कैलाश नाथ नै जानकारी दिती ऐ जे बच्चे हत्थें च बैनर, तख्तियां ते नारे लिखे दे इशतयार फगड़े दे हे जिंदे पर स्वच्छता गी इक आदत ते अपने जीवन दा हिस्सा बनाने दा संकल्प कीता गेदा हा। रैली च शामिल प्रतिभागिणं रस्ते चा कूड़ा करकट बी चुक्केआ ते लोकें गी स्वच्छता दा संदेश बी दित्ता।

<><><><><><>

## Election

कल विधानसभा चुनावों के तृतीये ते अखीरले गेढ तैहत् होने आहले मतदान लेई सब्बे तैयारियां मुकम्मल होई चुकी दियां न। कल 39 लख 18 जहार वोटर चुनावों मैदान च खडोते दे 415 मेदवारों दे चुनावी भागों दा फैसला करडन। जम्मू-कश्मीर दे 7 जिलें च फैले दे 40 चुनावी क्षेत्रें च कल तृतीये गेढ तैहत् वोट पोआए जाडन। इंदे च कश्मीर डिविजन दे कुपवाडा, वारामूला, ते बांदीपोरा ते जम्मू खित्ते दे जम्मू, उधमपुर, कठुआ ते साम्बा जिले औंदे न। वोटरों दी स्थूलत लेई चुनावों आयोग नै सब्बे 40 चुनावी हल्कें च 5 जहार 60 मतदान केंद्र स्थापित कीते दे न। इनें सारे मतदान केंद्रें च वेबकास्टिंग दी सुविधा मौजूद ऐ। चुनावों दे इस अखीरले गेढ तैहत् 39 लख 18 जहार 220 वोटर जिंदे च 20 लख 9 जहार 33 मर्द, 19 लख 9 जहार 130 महिलां ते 57 ट्रांसजेंडर वोटर कल अपने मताधिकार दा इस्तेमाल करडन। 1 लख 94 जहार नमें नौजवान वोटर बी कल विधानसभा चुनावों के तृतीये गेढ च अपने वोट दा इस्तेमाल करडन। मतदान बडुलै 7 बजे शा संझा 6 बजे तगर चलोग।

<><><><><><>

## Kathua-Election

कठुआ जिला च कल होने आहले विधानसभा चुनावों के तृतीये ते अखीरी गेड दे मतदान लेई पूरी चाल्ली तैयार ऐ। सब्बे 704 पोलिंग पार्टियां अज्ज अपने-अपने मतदान केंद्रें लेई ई.वी.ईएम मशीनें ते वी.वी-पैट कन्नै कडी सुरक्षा हेठ भेजियां गेइयां। कठुआ जिले दे 6 चुनावी क्षेत्र बनी, बिलावर, बसोहली, जसरोटा, कठुआ ते हीरानगर च कल 5 लख 6 जहार 679 मतदाता अपने वोट पाने दे अधिकार दा इस्तेमाल करडन। स्हाडे जिला संवाददाता कन्नै गल्ल करदे होई कठुआ दे डी.ई.ओ ते डिप्टी कमिशनर डॉ. राकेश मिन्हास होरें आखेआ।

<><><><><><>

## Udhampur-Polls

उधमपुर जिले च कुल 654 चुनावों सरबंधी पार्टियों शा 648 पार्टियां अज्ज जिले दे चऊं चुनावी हल्कें दे मतदान केंद्रें लेई भेजी दित्तियां गेइयां न। उधमपुर जिला चुनावों अधिकारी सलोनी राय हुंदी दिक्ख-रिक्ख च एहू चुनावों सरबंधी पार्टियां ईवीएम मशीनें ते चुनावों सरबंधी होर दुए समेयान कन्नै उधमपुर दे बक्ख-बक्ख मतदान केंद्रें उधमपुर पूत्र उधमपुर पच्छिम चनैनी ते रामनगर लेई भेजियां गेइयां न। स्हाडे संवाददाता कन्नै गल्ल करदे होई डीईओ उधमपुर सलोनी राय होरें आखेआ।

<><><><><><>

## Samba-Polls

कल होने आहले विधानसभा चुनावों के तृतीये ते अखीरले गेड लेई तैनात 366 चुनावों सरबंधी पार्टियां अज्ज साम्बा दे बक्ख-बक्ख मतदान केंद्रें च भेजी दित्ती गेइयां न। कल होने आहले चुनावों लेई साम्बा दे त्रौनें चुनावी हल्कें-रामगढ़, साम्बा ते विजयपुर च सुरक्षा दे निगर बंदोबस्त कीते गेदे न। स्हाडे जिला संवाददाता कन्नै गल्ल करदे होई जिला चुनावों अधिकारी राजेश शर्मा ते एसएसपी साम्बा विनय शर्मा होरें गलाया।

<><><><><><>

## Mithun-Awards

मन्ने-परमन्ने दे फिल्म अभिनेता मिथुन चक्रवती होरें गी दादा साहेब फाल्के अवार्ड कन्नै सम्मानित कीता जाग। एह पुरस्कार उनेंगी अगले महीने होने आहले 70 राश्ट्रीय फिल्म पुरस्कार समारोह च दित्ता जाग। सोशल मीडिया पोस्ट च एहदे बारै ऐलान करदे होई सूचना ते प्रसारण मंत्री अश्विनी वैष्णव होरें गलाया जे कोलकाता दियें शिडकें शा लेइयै फिल्म जगत दी उचाइयें तगर पुज्जने दी मिथुन दा उंदी उपलब्धि कई पीढियें गी प्रेरित करदी ऐ। उनें गलाया जे दादा साहेब फाल्के पुरस्कार सरबन्धी चयन ज्यूरी नै भारतीय सिनेमा दे इस सर्वश्रेष्ठ पुरस्कार लेई अभिनेता मिथुन चक्रवती होरें गी चुनेया ऐ जिनें भारतीय सिनेमा गी अपना अनमुल्ला योगदान दित्ता मीडिया कन्नै गल्ल करदे होई वैष्णव होरं चक्रवती होरें गी ममारकवाद दित्ती ते गलाया जे उंदा जीवन संघर्ष ते उपलब्धियें कन्नै भरोचे दा रेआ ऐ। तोआई मीडिया कन्नै गल्ल करदे होई अभिनेता मिथुन चक्रवती होरें इस खबर गी सुनियै बड़ी मती खुशी जाहिर कीती ते अपने इस अवार्ड गी अपने परिवार गी समर्पित कीता। प्रधानमंत्री नरेंद्र मोदी होरें बी इस उपलब्धि लेई मिथुन चक्रवती होरें गी बधाई दित्ती। मोदी होरें गलाया जे उनेंगी इस गल्ला दी बड़ी खुशी ऐ जे भारतीय सिनेमा जगतगी बेशकीमती योगदान देने लेई अभिनेता मिथुन चक्रवती होरें गी सर्वश्रेष्ठ दादा साहेब फाल्के पुरस्कार दित्ता जा'रदा ऐ। प्रधानमंत्री होरें गलाया जे चक्रवती होरें गी अपने कलात्मक प्रतिभागियें लेई म्हेशा थमां गै सराहेया गेआ ऐ।

<><><><><><>

## SMVDSB

श्री माता वैष्णो देवी यात्रा उप्पर रेल राहें आने आहले यात्रुएं दी सहूलत लेई कटडा रेवले स्टेशन थमां यात्रा लेई पंजीकरण दी सुविधा दी शुरूआत कीती गई ऐ। इस बारे जानकारी दिंदे होई री माता वैष्णो देवी श्राइन बोर्ड दे सीईओ अंशुल गर्ग होरें आखेआ।

<><><><><><>